

中國地方志集成

浙江府縣志輯②①

康熙海鹽縣志

康熙海鹽縣志補遺

光緒海鹽縣志

江蘇古籍出版社 ● 上海書店 ● 巴蜀書社

封面設計 范一辛

責任編輯

盧建幸
王海浩

中國地方志集成
浙江府縣志輯②①

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價 三三八元

1993年6月第1版 1993年6月第1次印刷

ISBN7-80569-832-5/K·127

沪新登字119号

海鹽縣志序

漢高入關鄴侯先收戶口圖籍英君詰相所以
開創王業者規模固以弘遠哉

國家擇掃米脂定都北平府庫版圖不易明舊

世祖肇基已命儒臣纂輯會典計臣刊定經費錄賦

役全書

今上初元宙內一統鐸洞蚤獠之鄉莫不納土貢琛

而黔西大定諸府洪荒以還不入版章者今皆

列郡建官興屯廣學自開闢以來所未有也然

聖不自聖每靳外寧內憂之懼未嘗侈言遠馭也茲

允輔臣之請纂修一統志分命十五藩司各以

省志進藩司宣布

明詔檄下郡邑俾各以其志進素仁待罪海疆承

上威德海不揚波者四年於茲一方之謠俗百里之

阨塞亦嘗偏歷阡塍周覽廣介詢咨故老講求

牧圉蓋已得其槩矣簿書下吏執簡未遑窮詰

邑之賢達查張兩都諫商推其事二公共言彭

處士孫貽童茂才申祉之才束帛式廬造請焉

二子竊覽往牒參伍近聞凡三月而書成素仁

亟擇小史善書者繕錄之以獻而颺言於簡端

攷邑古志不可睹即明室凡四脩豐厓志嚴矣

夫之略助敦志備矣失之冗而駁職方志鉤奇

索隱鉅細不遺觀止矣時或失之穿鑿而傳會

二子之為志補其闕畧刪其繁蕪其取材也博

其樹義也約大槩折衷胡書而五十年以來廢

典沿革則加詳焉夫操觚至今日而難言之矣

運當澤火殞尚祗金烈士貞妻誠臣毅魄諱之

恐蕪義於董狐著之起非聖於叩馬則直筆之

難也地稍蒙焚冊無昇炎惡害己者皆去籍聽

途說者多異辭雖善既爾無微謀野堂能有獲

則史證之難也世習增奉人情雜質素封則考

必紫芝孤孽則母皆黃鶴謏墓新碑重災梨棗

贅崇連續疊見閱曾登之不勝有道賢良之日

削之或傷順孫孝子之心則去取之難也練都

十年研京一紀斯能該洽靡所遺忘今不及腐

鹿取捷倚馬廣益靡暇集思細舉能無目漏則

蒐輯之難也然幸逢無諱之

朝鮮危言之患推古人喜善之長申大賢刺刺之戒

將以激頽俗而進淳風不第逃人非而畏物責

也執此以獻於上觀戎築之勞則思綢繆於未

兩浙繭絲之數則軫念咨於祈寒辦地產而却
遠物因被災而卹民艱從此賢才畢登車書式
度一道同風之感見於令茲更何幕於三五哉
康熙十二年三月海鹽縣知縣三韓張素仁撰

海鹽縣志序

我

國家聲教漸暨北越陰山西極流沙東盡遼左南
踰嶺表版圖之盛自古未有也

今上御極一紀風移俗易文治蔚興允輔臣請

詔下郡國修一統志於乎燦哉顧燥濕剛柔山川各

異物華人產僻壤無殊由一邑而一國由一國

而天下譬之中文之樓基於寸矩千金之裘成

於片腋邑志又烏可忽乎鹽之置縣實始嬴氏

歷代沿革割裂稍狹矣然襟帶大海迴互羣峰

諸水發乎武林天目支析流分形勝所都亦古

之赤紫也賦役繁而民苦瘠魚鹽之利溥而民

又患馳逐登其源而御宣之風草之德存乎為

民上者三韓張侯恬愉於今四載訟易竄鎮之

以靜政易紛出之以簡百凡興利除弊有裨斯

民無不以次釐舉將進邑之卿老耆夫申明孝

弟褒章文獻治化之隆薰於流時而被於人倫

此邑志之所由始也侯既承檄修志固敢怠造

彭子孫貽重子由祉之虛屬羣焉閱三月而成

書彭子柳執謝客沉堪范羅余與童子歲暮遊

台下見其蓬底牀背橫蒙花簾燈終夜不寐
始而知二子之歎既而知二子之勤也嗟乎以
二子之才蘭臺虎觀校讐群籍豈遊古人區區
邑乘遊又焉耳而二子謝咎曰聞見寡陋時日
偏側考據之未獲其詳也採擇之難期於當也
烏乎志夫雲谷豐崖幾箇歲矣或曰近於畧畧
則不可無修飾之功仇耶教則漸繁矣至胡職
方圖經而文未大備今所纂述大約以圖經為
藍本也然間有去艱澁而歸平易括散落而予
條貫伴讀者觸目犁然此余二人之意也且戶
田祖調損益下岸上著僑尺遷流無定亥豕多
清侵漁中飽而必辨之而必剔之此又余二人
之意也金石遺文訂其譌謬靈光遺蹟晰其廢
存非齊諧之志惟同山海之標奇此又余二人
之意也人物龐博循流徇美冠蓋胥胥史之榮
筭如畫共姜之節甫田或隱稼芳小璣歸以連
城前轍已靡後車仍蹈然而西京雜記異同原
子駿之書襄陽耆舊名實屬彥威之目過情有
之失實則否此又余二人之意也二子立意如
此宜其約而有體博瞻而不失乎濫也我疾欽

承

大典手自裁刊核其章程登於典則繁然治效之有
成已見於此輜軒之使王者所以觀風俗知得
失自考正也以此上之

朝廷天下同書權輿在是矣

康熙十二年歲次癸丑三月既望

賜進士出身刑科掌印給事中加一級邑人查培繼

海鹽縣志序

縣邑之有志也改山川之險易驗生靈之盛衰
流覽人林比屬彰瘁差次土壤分別征徭此其
大較云自陵谷有更遷之異板蕩多感慨之端
沿習猶然謠求未遠蕪之書咸掌故閱世滋深
篇章闕遺字跡漫漶每讀之而不勝乙也我
國家定鼎以來三十年於茲矣

皇靈遐邇文治蔚興因欲昭無外之模觀同風之
盛

詔天下郡邑選博見洽聞之士續修厥志彙上於

朝以脩參攷為一統之全書抑何恢弘遐遠也吾邑

控帶山海給利魚鹽夙稱沃壤屹擅名區兵燹

以後實外版而中瘠比且歲屢不登財力益絀

邑侯張公雅才具察敏而壹意休息長養之首

示民無訟終訟則出示民知禮好禮則討政成

之暇日與諸生講德論藝樂而忘疲而蒐求隱

逸採訪人文已非一日其於彭子孫貽童子中

祉所折節久矣故承修志之檄因思簡策之重

必藉端人纂輯之難務需髦士邑固多才非不

人自為苟素家自為改轍而欲掄履醇茂問學

該通灼然為衆所推擇者其二子若也故一以

畀之不三月而告成夫二子疆力覃思廣搜遐

探攷見得失整齊異同闡非以博而不怡於蕪

要約以精而不遺之略揅議必折衷於史紀事

而不拂手經猶之八珍在御取其脩舉而校獻尸

饗無貴異尚六樂在懸取其同律而廢器序事

無貴繁聲其為力多困而其為心良苦余手其

書讀之其言核其義嚴咸正無缺信而有微以

此珥筆東觀而龍門扶風不足多謙彼范蔚宗

裴松之輩又不足並美矣張侯藻鑒衡人軌裁

既定而後精心參訂勤為一代之書以之上副

清問豈特藉寵松榆即黼黻文明潤飾鴻業將丕基

焉乃躍然為之弁於昔簡

康熙拾有貳年歲次癸丑初夏穀旦

賜進士出身

誥封中憲大夫刑科掌印給事中邑人張惟赤謹序

海鹽縣志目錄

輿圖志卷之一

分野 建置沿革 疆域 城池 海防

山水 坊鄉市鎮 橋梁 牌坊 風俗

名勝志卷之二

古蹟 陵墓 祠宇 寺院

職署志卷之三

縣治 儒學 巡檢司 倉 鹽課司 布按

公司 府館分館 旌善由明亭 養濟院

涵澤園 祀典

官師志卷之四

令長 丞簿尉 學職 鎮稅市舶 巡檢 鹽司

武秩 附有功茲土 功臣封 帝女封

賦役志卷之五六

戶口 田土 稅糧 里役 鹽課 屯田

物產

貢舉志卷之七

薦舉 鄉舉 進士 貢士 武科 翰臬

吏掾 封贈 任子

人物志卷之八九

士品 儒林 文苑 孝友 義尚 隱逸

流寓 藝術 仙釋 列女

災祥志卷之十

祥瑞 災異 雜記

海鹽縣志

知海鹽縣 南三韓張素仁纂修

署教諭事舉 文鴻章校

刑科掌印給事中邑人查培維

張惟亦裁定

邑人 彭孫詒 童中社 編著

分野

昔同官保章氏以星土辨九州之域禹貢辨九州以
北距淮東南至於海為揚州春秋越敗吳於楊李海
鹽今為楊李之屬邑而近於古杭正為揚州之域吳

地也漢地理志云吳地斗分野然則海鹽之分野在

天文之斗無疑矣

漢志吳斗分野越斗牛女分野晉志十二次度

數自南斗十二度至須女七度為星紀於辰為丑

吳越之分野州御驢次吳越揚州斗牛女須女會

稽入牛一度諸家之說總不出此

建置沿革

按海鹽古揚州南境東偏地禹貢揚州三江既入周

禮揚州其川曰三江松江居一今在縣舊境北以

縣地為揚州明矣春秋時為平原戰國入楚秦郡縣

天下割吳地名海鹽或屬會稽漢高祖廣陵國領之
隸揚州治一稱武原以始皇出遊伏兵於秦駐山左
右故名按同姓諸侯王年表以潁為吳王潁置司鹽
校尉居馬鳴城馬鳴者何吳伐越道遂大風車敗騎
士隨馬啼嗥夫差駭問子胥子胥曰風北來助我越
此收後人因以馬鳴名其城事見吳越春秋越絕者
先是封功臣衛胥為武原侯見吳姓諸侯年表武帝
天漢間代共王子繭侯更封武原侯見同姓諸侯王
年表王莽改為展武陷為柘湖中有山生栢樹因
名今柘八華亭界移治武原鄉曰武原縣東漢復曰

海鹽順帝時又陷為湖是為當湖柘在平湖之東關
移治故邑山為故邑縣屬吳隸揚州收吳錄地理曰
鹽官本名海昌吳王濞曾設鹽官於此監督故一名
鹽官案字記曰廣平鹽田相望即海鹽官之地是
也晉後曰海鹽移治馬鳴城在今縣治東南數百步
屬吳國晉地理志云吳郡嘉興海鹽官是也齊宋
因之梁天監六年屬信義郡析東北境置前京縣今
廢前京城在華亭東八十五里地近京浦故名侯景
分海鹽胥浦二縣為武原郡陳省入海寧郡隋罷唐
初復置屬蘇州貞觀時入嘉興隨後又廢開元五年

即故吳崇越城西北置縣蘇州刺史前黃門侍郎張
廷珪以應奉塗遠奏置今縣治是也天寶十載以吳
郡太守趙居貞奏始割海鹽北境立華亭縣仍屬於
吳華亭者初吳子夢壽築亭於此以為留賓之所故
曰華亭昭宗大順初割歸杭州五代錢鏐以嘉興縣
為開元府領華亭海鹽二縣晉天福五年吳越王元
瓘以嘉興為秀州而縣隸焉宋因之元元貞元年改
為海鹽州明洪武初復為縣屬嘉興府宣德四年巡
撫大理寺卿胡榮等以本縣地廣請於朝析其東北
四鄉之都里為平湖縣今本縣所轄九四隅六鄉十

六都一百六十一里

朝仍其舊云

宣德之四年邑人參政葉春請遣官按行江南諸
大郡上命大理卿胡榮偕春往察乘傳行即請增
設縣四詔報可於是海鹽東北境山之為雅為
苦竹為高公為蒲萊齋龍潭水之為藻塘為泖港
為石亭浦鎮之為廣陳徐埭錢埭置平湖為縣於
當湖之市乍浦蘆漚戎鹽署并屬焉奏請在四年
二月分縣在五年庚戌歲雖縣主其議春實佐之
胡震亨圖經

疆域

海鹽境上除前代分隸杭州松江平湖縣者不計今
東西廣六十四里南北袤八十八里東至海半里西
至杭州海寧縣界六十三里南至杭州府海寧縣界
四十八里北至本府平湖縣界三十六里西北到本
府嘉興縣界四十里舊志云八十里以松洋涇為界
也抵府八十里省二百七十五里一由硤石過長安
鎮壩二百三十六里順天府水四十一百六十五里
陸三千八十二里

城池

海鹽城周圍九里三十五步高二丈五尺舊本磚城
歲久傾圯明洪武十七年設海寧衛於城司其管是
年浙江都指揮使司以信國公湯和命撤寧波衛指
揮許能率軍增築四門月城皆磚石為之永樂十六
年都指揮谷祥復葺之其陸路城門凡四東曰靖海
西曰望吳南曰來薰北曰鎮朔東至大洋海西通嘉
興縣界南抵海塘岸通澈浦千戶所北抵海塘岬通
乍浦千戶所其水門凡三西與陸路同南通西門北
通松江府惟東瀕海故舊無水門嘉靖三十二年都
指揮張鈇有外墻之築又明年知縣鄭茂增築子城

併敵臺一十有八其制可三面瞰外以施礮石時海寇數來犯城賴以全萬曆二十一年知縣王臨亨又重築王樞登有記云言七若金登障易守萬七知漆拔鐵難上者是也九修城軍三之民七之丈尺各有分地從成化間指揮徐黼議也仇俊卿志曰重役貧伍城易傾額不若全歸里甲責成戍守射力分任可也

明季修城分為軍三民七軍屬海寧衛所官民屬有司凡傾圯者額設空役里下修築外全耆額數修城銀二十兩止供修理四門城樓及水旱門扇之用

期順治三年巡按御史題請裁革空役并汰軍弁城垣盡屬有司錢糧無辨以致崩塌順治十五年奉總督部院李公率恭巡撫部察院陳公應泰憲行地方官修築城垣隨委本府同知冀應熊會同嘉協鎮郭光斗知縣毛一駿捐俸選耆民蔡文芳張承恩監督將先年傾圯東西二門城樓重建一新

也周圍一千三百四十丈濶一丈二尺濶六丈九尺四門外各置吊橋跨其上以通城門之出入惟北門外加置東西吊橋一共為二其也歲久蕪塞明永樂十六年復加疏濬年久侵淤每遇漕未出先有害短

撥朝康熙元年邑人張給諫惟赤捐資開濬天寧寺西起至城內便民倉一帶河道共三百六十丈并四門城濠共計一千八百六十二丈六年知縣湯其升任內勸諭募夫委耆民蔡維祺等開濬便漕城河若干丈

激浦城周圍八里一十七步高二丈四尺五寸明洪武十九年差安慶侯榮陽侯委海寧衛千戶賈進等官度地築上為城永樂十六年都指揮谷祥等官巡禦以礮石包砌正統八年侍郎焦宏參政俞士悅勘

議令抗嘉湖三府備料重加包葺嘉靖三十三年知縣鄭茂增築并獻臺一十有六其陸路城門四東抵海岸西通海寧縣界南抵長牆山至於海北至本縣水門一惟西門與陸路俱通海寧縣界也周圍九里三步深一丈一尺濶三尺吊橋四

朝順治十五年本府同知冀應熊奉憲重築城垣樓鋪

乍浦城周圍八里三百三十二步高二丈明洪武十九年差信國公湯和度地築上為城永樂十六年都指揮谷祥等官巡禦以礮石包砌正統八年侍郎焦

宏泰政俞士悅勘議合杭嘉湖三府構料包葺嘉靖三十三年知縣鄭茂增修併築敵臺其陸路城門四東抵松江府界西至本縣南抵海岸北至嘉興縣界水門一惟北門與陸路俱通嘉興縣界池周圍一千六百三丈深八尺濶十丈弔橋四

海附海塘海防

海鹽縣治出東門半里即為大海：自金山乍浦度縣城至澉浦黃灣海寧縣界岸皆斜侵而南過諸山錢塘歷臨觀以及四明復斜出北東向大洋故此縣雖遠眺窮髮而實內屏越垣紆迴曲島風氣苞函與

他海不同按嘉禾志云東與明越二州相對舊志云大齋時東岸山崖：可數深夜窺寂鷄犬聲亦相聞舊有海月亭在縣東五里望海鎮在縣北東一十五里寧海鎮在縣東一里大有九塗十八崗三十六沙洲漂蕩日久淪於滄波浩淼之中不知幾何歲月矣宋常棠云淳祐間有人於傍灘沙裏得古井併一大樹根驗井碑上字是東晉屯兵處則知噬蝕積漸已非一朝歷代築堤為禦名捍海塘一名太平塘按海鹽乃吳之陸越之首地脈結局於入海之處故地脈高厚觀境內秦溪麻涇長湖諸水皆從北流一由東

北松柳趨滬瀆入海一由西北通吳江趨而茅港入江則海鹽高於諸郡邑其辨甚明苟使海塘一決潮水下瀉嘉湖蘇松悉為魚鰲不惟唇齒勢迫實則漂溺害均故明初修築海塘又檄蘇松九郡財力以為協濟嗣是歲有常額焉

海塘

海鹽隄海之役其事始見於唐徐泰志云唐築塘起鹽官抵吳松江袤百五十里是也時鹽尚與鹽官併縣故稱鹽官云自後宋紹興中縣令丘束築凡二十里咸淳中邑人常楫官兩浙轉運使築新塘三十六百二十五丈名海晏塘邑人德之元至元二十一年縣尹顧泳修築復名捍海塘今考唐塘實並海通築宋塘文里域是或於近郭衝嚙地而力築之今傍東門閱武塲迤南屬之山澗寨意即其處也明興功役數勘顧此亦數壞築葺無已時誠志其功之最者洪武三年海溢塘圯縣民潘允濟奏築石塘署令宋某舊志失其名治陞易土以石凡二千三百七十七丈後十七年潮大作陞漬浙參議閻察督修之永樂三年再潰右通政趙居任調浙西蘇松九郡民復築之宣德中又潰巡撫侍郎周忱增培土石且著令隨塌即修

歲以為常正統九年塘圯尤甚知府黃懋建議大採木石別築複塘度用銀二十六萬有奇奏聞報可矣會遷去至景泰五年僉事陳永改議因塘故址雜用瓦礫填中包巨石為之省費十九塘亦成後成化八年大風潮溢塘不足禦平地水丈餘民溺死亡算乃思黃公議悔不用之後參政邢簡僉事趙銘以府同知楊冠補葺完海復連歲潰溢塘盡圯不存十三年副使楊公瑄來司水利講興作遂以意改舊塘為坡陀形坡陀云者監石斜砌磊碎石於內支之先是塘不皆疊砌勢陡子公以為潮激之生怒易潰也故

稍斜之以殺潮勢因名坡陀其法倣鄧縣之荆公塘築成凡二千三百丈當是時公日夕蒞海上程督甚瘁民感之至今廟祀龍王祠在弘治初年知縣譚秀言楊公塘用石斜甃歲久反壓內向請改築便於是延浙侍郎彭韶以知府徐霖通判蹇霆偕秀修築仍壘石如舊法而畧仿坡陀意內橫外縱以漸減縮令斜用殺潮勢至十二年知縣王璽繼之脩講縱橫之法而塘制始善矣王公塘築於故龍王廟前其法有一縱一橫有二縱二橫者下濶上縮內齊而外陂形勢隆固潮衝不壞有歌其功者見邑人布政吳昂集

其後正德中通判韓士賢水利郎中朱衮凡再修悉依王公法而嘉靖初海連溢郎中林文沛奉命來修塘以王公塘獨無恙因呼為樣塘並遵用之其後十年僉事蔡時增築教場塘一百七十七丈十四年僉事焦煜築塘二百餘丈土塘二十七丈分督者通判陳文昌知縣董珪及平湖知縣黎循典始建四陡門以滲潮水殺怒濤且便漚監人心樂從費省而工倍之其後僉事張文藻黃光昇胡堯臣遍有修築而黃公光昇築法尤脩始撤知縣魏廷璽編為塘號取十字文天字號起木字號止共一百四十字號每號二

十丈共一千八百丈即塘石錯之隆慶四年海溢水利僉事李文績督湖州府同知藍瑋來築用黃公法縱橫補救之萬曆三年五月晦夜颶風大作石塘盡崩平地水高二丈漂溺死者三千餘人先是嘉靖中邑人吳昂嘗一上疏請大發金錢築故塘豫脩海患隆慶之後助教仇俊卿仿昂意亦以為言前後皆中格至是變果大作時撫臣謝公鵬舉按臣吳公從憲採知府李棣知縣饒廷錫言其奏大指謂築塘鉅役縣官宜無惜小費為東南永奠計意甚剴切既得報而徐公斌代撫檄同知黃清崑司其事清起家楊

史材敏有心計搜考故時築法得黃公光昇前蹟上之遂仿其法改用大石督丞幕諸官三十餘人分築清勤於帥先且相度潮緩急衝稍增殺其縱橫石凡用銀十三萬有奇成塘七百五十丈土塘三倍之又開白洋河三千丈而餘塘歟且裂未盡地者姑理砌焉理砌者砌層之上不又趾以節費後改建海神祠及前憲使楊公瑄祠昭祈報鑄鐵象牛殿勝又植木苗蓋浪於沙塗以護塘朝議嘉之賜絨等金帛陞秩俸有差清得超擢同知監運司於時董份陸先祖各有碑文以紀其事至十五年七月海鹽理砌塘復盡

地時巡撫滕公角輪行閱曰理砌所以省費也費卒不得省絀其議撤新築之條上方畧十得報允行於是以副使夏良心同知曾維倫視工面公數馳往之程督甚勞致於官傳公益春代之終其功奏聞如王生例賜金帛陞秩俸有差而滕公特予一子廕旌勤事也至二十九年知縣喬拱璧天啓二年知縣樊維城六年署縣事推官楊希旦前後再築之崇禎元年七月颶風迅作土石兩塘衝決殆盡知縣田升年通詳各憲于二年四月起工三年七月報竣共築大埧次埧二千餘丈十年六月二十日風潮石塘崩圯知

縣朱應熊修築共八百三十六丈

先時築塘發即民丁築之不足并發傍即民丁出錢代經始弘治中知府徐霖議條鞭之法行遂派為此稅即七邑歲合徵銀七千兩嘉靖中半之令復故額然兩亥之役取諸歲徵所積猶不給搜藩司兵餉驛傳蠶金及他贖穀價以充而前亥之役用銀為多則本郡及杭湖二郡畝復益稅有差皆取旨行其無恤征繕故一方民如此胡震亨圖經

國

朝順治五年十月署縣事本府同知張世榮修築調陽二字號大埧石塘一十八丈順治八年二月知縣

題

郭尚信修築月字號大埧石塘二十丈并小修張成等號結面塘石陡門十二年十二月知縣毛一駿並本府水利通判韓範修築化字號草字號木字號大埧石塘共三十丈十六年嘉湖分巡道史燧八親具請修成歲等號大埧半塌石塘其生邑人禮科給事中張惟赤具疏請修本縣海塘畧云國家財賦半取足于江浙江浙二省尤以杭嘉湖蘇松常鎮七郡為重七郡皆瀕于海民之不為魚鯨者以海塘捍其外也查此塘因七郡地勢窪下易于淹沒故沿海郡縣皆有築塘至海鹽一處西山夾峙潮勢尤為洶湧昔

之縣治已沒海中明萬曆十七年衝決一次崇禎元
年又衝決一次此時旋即估修已費金錢十餘萬兩
大約逐年修理則易為力候其大壞而後修則民受
害而為費滋大所以明朝時編海塘夫銀以事歲修
他郡無論即就海鹽一處之塘歲編銀六千九百九
十九兩九錢一分內派嘉興縣一千七百五兩一錢
零秀水縣一千二百五兩三錢三分零嘉善縣九百
三十四兩八錢一分零海鹽縣九百二十三兩六錢
三分零平湖縣九百二十三兩七錢二分零石門縣
七百八十七兩一分零桐鄉縣七百兩一錢八分零

做貯有庫以為協濟載在賦役全書及海塘錄內班
班可考近來此銀不知銷歸何地自明末以及我
朝十六年來並未修築此塘被水衝塌基址盡行圯
壞縣治百步外已有坍口倘一旦風濤大作徑從坍
口深入則滔天之勢潰于城穴將見七郡烟火之墟
財賦之地盡付之浩渺之鄉矣隨於本年十二月修築
致雨二號大坍石塘二十一丈本府推官王從王督
修完工十七年八月十八年九月知縣雷騰龍修築
閘餘二號成歲二號大坍石塘共六十五丈康熙四年
三月五年正月修築大坍石塘共五十三丈土塘共

六百四十丈本府水利通判殷作霖督修完工六年
四月知縣湯其升修冬字號木字號大坍石塘共一
十八丈日字號小坍石塘四丈五尺又小修月盈等
號結面石塘十一年閏七月知縣張素仁修日字號
大坍石塘九丈月字號大坍石塘六丈三尺盈字號
大坍石塘二丈化字號大坍石塘一十二丈被字號
大坍石塘一十丈晝夜住海上鳩工程料上無溢費
而民樂盡力共築三十九丈八尺完工人皆以為橋
堅基固可以永久無虞也

順治十八年奉

旨

內差兵部尚書蘇納海會同督撫題歷沿海地方於
捍海塘上設立杆樁界水東至平湖縣交界南至海
寧縣交界禁止下海捕魚康熙十一年四月復遵
憲行少地海禁開海捕魚詳明在案

海防

縣中海賊患始孫吳時吳志云永安七年海賊破海
鹽校司鹽校尉秀者是也其後晉末有孫恩宋泰始
中有田流並從海道來犯而恩尤劇嘗收縣吳兵十
人殺縣令鮑恒子嗣之又殺吳國內史袁恭將梁武
軍城舊治禦之於後唐置鎮將兵越改為鎮過使吳

即志開元五年刺史張廷珪奏置海鹽縣澈浦鎮天
寶十載太守趙居貞奏置海鹽縣寧海鎮嘉禾志錢
氏有國諸州多設鎮遏使海鹽沿海有澈浦乍浦兩
鎮遏使是也原縣城孤縣必得寧海鎮設防二浦左
右犄角為內郡屏蔽勢乃克壯爾宋初縣有主軍廂
禁二軍南渡後行都密通防海為亟始設水軍其後
元人南下漸逼海上險隘處益設戰船澈水舊志云
海外蘇州洋西南一朝至浙江名上潭浙江一朝回
歷海昌之黃灣又一潮至澈浦名下潭而東北十二
里白塔山有白塔潭亦可泊舟登祀令令澈浦水軍
分戍於此舟以海潮自東北金山來泊乍浦尤易又
於乍浦置水軍設統制領之元永宋後定兵制改設
上萬戶府於嘉興路稱鎮守以海鹽及華亭為兩翼
海鹽為上千戶翼而鹽之澈浦鎮及華亭之上海青
龍鎮則並設中萬戶所稱鎮遏後又改鎮守焉是時
澈浦盜起嘗一遣元侯佩虎符鎮守之迨至元十八
年後以校都張珪李庭等東征留兵分戍澈浦海口
蓋時方有事於倭恐倭來犯故海上設重防至明初
倭警果大作時沿海戍兵惟防倭為急倭亦名日本
漢唐來通貢中國後至宋沿海開市舶徑道益通元

人聚之至大中有倭泊慶元焚掠焉始北矣明初平
定海內所殲滅群雄若方若張皆在上海故都黨通
誅不能出者則竄而之海島糾群倭入寇掠太祖實
錄載洪武三年倭犯山東淮安明年犯潮東福建其
五年寇我澈浦殺掠人民而長老亦言洪武四年有
海民沈保童用竹筏載倭登掠海鹽事其時即家起
信國公湯和相視並海要害築城置衛統官軍各
占信地戍守於是鹽之衛所始建曰海寧衛有指
揮使指揮同知指揮僉事鎮撫十戶百戶總旗小旗
軍九官一百二十七人鎮軍一萬三百二人衛有印
有銅牌十二鎮撫司千戶百戶俱有印幕官有經歷
有知事經歷司亦有印凡衛司所並有吏有屯田有
烽墩有寨南屬之海寧所北屬之金山衛境有戰船
汛月出海洋巡倭大汛三四五月小汛九十月此五
月風多從東北來倭入易犯也有倉糧曰廣儲倉在
縣城日常積一倉在澈浦城日常積二倉在乍浦城
有演武場有軍器局有職基有營房其祭祀有旗壽
廟二所城有城隍廟海神有聖妃祠此其建置大畧
也永樂七年有沈家門遠哨之設沈家門在定海洋
外舟山普陀間往倭人入貢每泊於此至是調衛

所戰船協哨以壯而浙聲援然此山去東浙為近去
西浙實千里而遠非本衛衝心守之也洪熙元年
巡撫浙江右布政使周幹請撤歸近海各守汛地宣
德初行在兵部又以為言皆未果撤至正統間倭驚
頻作朝廷命侍郎焦公宏巡視海防因漸有釐改沈
家門戍亦以其時撤回成弘而後海上久無事至嘉
靖中武畧廢耗而倭變大作朝廷設建撫及總制大
臣兼轄浙直福建若宋公純王公行張公終李公天
寵及胡公宗憲先後來蒞師而衛所軍不堪用則募
民為兵兵制因大變先時浙有把總臨諸衛即選指

揮充之至是分六總以都指揮體統行事重其權也
浙西者曰海寧總駐乍浦先時設總督備倭都指揮
臨各總列衛都司至是以其權輕設總兵定海節制
兩浙別設參將四奉敕統領六總浙西者曰分守嘉
湖參將駐縣城先時有海道副使兼巡兩浙已分設
參政理浙西至是復增設副使備兵抗嘉湖駐郡城
而陸兵則郡城設五營縣城二營乍浦二營澈浦一
營合十營各五百餘人水兵郡城亦五營之人
數同陸營而海上募福蒼船七十七艘二千餘人止
海鹽乍浦澈浦三關分三總戍守兼出哨羊許二山

羊山至許山一朝許山至乍浦亦一朝羊許為浙西
門戶永樂時哨沈家門則已遠正統時撤而泊乍之
海岸則已近惟哨羊許於浙西海徑有合爾倭患有
正統七年寇乍浦既嘉靖七年二十五年二十七年
三十二年三十三年三十五年縣境大小戰不知凡
幾正統時百戶徐榮官軍路德戰沒砂腰新塘兩戰
指揮滿朝馬呈圖永煉千百戶王繼隆姜振楊臣康
緩王相呂鳳鳳子爵姚峇俱戰沒孟家堰之戰全軍
並覆指揮李元律與廢州千戶薛炯寧波百戶宋應
蘭並歿于陣指揮徐行健戰于北王橋死指揮姚弘

戰於松江陶完亦死以上諸陣亡官後並奉旨建英
烈祠春秋祀之金家灣之戰指揮方泰督軍追勦軍
士童欽陳為兒等俱戰歿衛城澈浦再被攻賴參將
湯克寬令鄭茂尉李茂力守得完而攻乍克破殺
千戶王鐘城中人受禍最酷於後諸賊以掠他不得
去誘之偽降陳東葉麻徐海等相繼受餌就阱而群
倭亦盡海上始寧胡公功實多然東南郡縣大抵皆
發我三城四郊外烟火幾新矣嘉靖末以警息有銷
兵之議始汰兵備令巡道兼攝隆慶四年巡撫谷公
中虛始定嘉區兵制於新法招募中仍參用軍伍存